

## PRIJEDLOG PRAVILNIKA

Pravilnikom se definišu Kriteriji odabira prioriternih klizišta na području Kantona Sarajevo koja zahtijevaju izradu Elaborata o inženjerskogeološkim i geotehničkim karakteristikama terena, Izvedbenog projekta sanacije i Projekta monitoringa klizišta a u cilju hitne sanacije klizišta. Pravilnik donosi i definiše Zavod za izgradnju Kantona Sarajevo.

### KORISNICI SREDSTAVA I KRITERIJ ZA ODABIR PROJEKATA

#### 1. Pravo na podnošenje zahtjava/prijave

Pravo na podnošenje zahtjava/prijave za sanaciju klizišta imaju jedinice lokalne samouprave sa područja Kantona Sarajevo.

#### 2. Kriteriji za odabir projekata su:

##### 2.1 Opći kriteriji koje mora zadovoljiti svaki korisnik za izbor su:

- ✓ da je Zavod za izgradnju navedenu lokaciju proglasio klizištem,
- ✓ u slučaju da se radi o sanaciji klizišta kojima se štite individualni stambeni objekti ili objekti kolektivnog stanovanja potrebno je dostaviti Glavne projekte navedenih objekata kao i njihova odobrenja za građenje,
- ✓ klizišta koja su nastala u okviru vlasničke parcele nesavjesnim ponašanjem vlasnika i ugrožavanju njegovu imovinu, neće se uzeti u razmatranje u okviru ovog Javnog poziva.

##### 2.2 Posebni kriteriji koji se vrednuju:

Kriterij	Opis	Bodovi
<b>I</b>	<b>Direktna ugroženost ljudskih života, stambenih i infrastrukturnih objekata</b>	<b>5-95</b>
	Jedan individualni stambeni objekat	5
	Dva ili više individualnih stambenih objekata	10-20
	Jedan objekat kolektivnog stanovanja	10
	Dva ili više objekata kolektivnog stanovanja	20-30
	Ugroženost komunalnih instalacija	0-30
<b>II</b>	Ugroženost saobraćajne infrastrukture	15
	<b>Projekti za koje općina, donatori, kreditori ili drugi subjekti imaju obezbjeđena finansijska sredstva</b>	<b>0-100</b>
<b>III</b>	<b>Objekti koji se štite sanacijom klizišta posjeduju građevinske projekte i odobrenje za građenje</b>	<b>0-50</b>
<b>III</b>	<b>Projekti čijom se sanacijom postižu značajni efekti na širem području</b>	<b>5 - 40</b>
	Lokalna sanacija klizišta	5
	Sanacija klizišta većeg obuhvata	40

<b>IV</b>	<b>Broj projekata sanacije klizišta koji su kandidovani od strane Općine</b>	<b>5 – 20</b>
	Jedan projekat	20
	Dva projekta	15
	Više projekata	5
<b>UKUPNO</b>		<b>15 – 305</b>

### 3. Dokumentacija za prijavu

Podnositelji prijave iz točke 2. trebaju priložiti slijedeću dokumentaciju:

- 3.1 Ispunjen, ovjeren i potpisan obrazac za prijavu projekata;
- 3.2 Izjavu o namjenskom trošenju sredstava potpisanu od strane odgovorne osobe;
- 3.3 Izjavu o visini vlastitog financijskog sudjelovanja u implementaciji projekta potpisanu od strane odgovorne osobe.

Svi dokumenti koji se prilažu uz prijavu na Javni poziv moraju biti originali ili ovjerene kopije.

### 4. Način prijave

Prijave se mogu dostaviti poštom preporučeno u zatvorenoj koverti ili osobno dostavom preko protokola Zavoda za izgradnju Kantona Sarajevo na adresu:

Zavod za izgradnju Kantona Sarajevo

Kaptol br.3

71000 Sarajevo

Uz naznaku: „Prijava prioriternih projekata sanacije klizišta – izrada Elaborata o inženjerskogeološkim i geotehničkim karakteristikama terena, Izvedbenog projekta sanacije i Projekta monitoringa klizišta “– Ne otvaraj

### 5. Rok za donošenje odluke i sklapanje ugovora

Direktor Zavoda za izgradnju rješenjem će imenovati komisiju/povjerenstvo za ocjenu ispunjavanja kriterija iz javnog poziva. Komisija/povjerenstvo će pregledati prijave projekata zaprimljene na temelju Javnog poziva, provjeriti da li su ispunjeni kriteriji za odobravanje sredstava, te zapisnik sa rang listom dostaviti Direktor Zavoda za izgradnju nakon čega će se potpisati sporazum s korisnicima koji ispune kriterije za dodjelu sredstava. Rok za pregled dokumentacije i formiranje rang liste je 15 dana od dana otvaranja svih pristiglih ponuda.

### 6. Ostale informacije

Obrazac zahtjeva za prijavu projekata će biti objavljen na web stranici Zavoda za izgradnju Kantona Sarajevo.